

陳學士吟窓雜錄卷十九

歷代吟譜

前漢

武帝

武帝在栢梁臺上使羣臣作七言詩大競曰連句起栢梁宴作人爲一句連以成文

李陵

字少卿蘇武使匈奴陵贈以五言詩二首

其一曰

良時不再至離別在須臾

其二曰

嘉會難再遇三載爲千秋

其三曰

携手上河梁游子暮何之

李周翰曰五言詩語自陵始

蘇武

字子卿有詩四章

其一曰

骨肉緣枝葉結交亦相因

其二曰

黃鵠一遠別千里顧徘徊

其三曰

結髮為夫妻恩愛兩不疑

其四曰

燭燭晨明月馥馥我蘭芳

後漢

班固

字孟堅有明堂辟雍靈臺寶鼎白雉五詩又有兩都賦不爲章句舉大義而已

張衡

字平子善屬文作思立賦

蔡邕

字伯喈好辭章有飲馬長城窟皎然詩式載以爲邕作而文選以爲古詩

孔融

字文舉曹積憊已而鄧憲構成其罪楊冬詩三

明倫彙編 家範典 卷之九
讒邪害公正浮雲翳白日

趙壺

字元叔作窮鳥賦又爲疾邪賦繼之詩曰
文籍雖滿腹不如一囊錢

又歌曰

被褐懷珠玉蘭蕙化爲蕪

十辟公府並不就

酈炎

字文勝作詩二篇

其一曰

大道夷且長窘路狹且足

其二曰

靈芝之生河洲動搖因洪波

梁鴻

字伯鸞作五噫之歌其辭曰

陟彼北芒兮噫顧覽帝京兮噫宮室摧鬼兮噫人之
劬勞兮噫遼遼未央兮噫

適吳將行作詩曰

遊舊邦兮遐征將選集兮東南心

又思友人高恢作詩曰

鳥嚶嚶兮友之期念高子兮僕懷思想念恢兮爰集
茲

陳嘉

字士會隴西人也爲郡上掾其妻徐淑寢疾還家不

獲面別贈詩三首淑亦答之

魏

武帝

御軍三十餘年手不捨書登高必賦及造新詩被之管絃皆成樂章

文帝

好文學以著述爲務幸廣陵臨江觀兵於馬上賦詩曰觀兵臨江水水流何湯湯戈矛成山林玄甲耀日光猛將懷暴怒膽氣正縱橫誰云永廣一葦可以航

明帝

生而太祖愛之自在東宮不交朝臣不聞政事惟潛思書簡而已

曹植

字子建十歲餘誦讀詩賦及辭賦數十萬言文帝嘗令七步作詩不成當行法即應聲曰箕在釜下燈豆在釜中泣本是同根生相煎何太急帝深有慙色前後所著百餘篇

曹彪

字朱虎黃初七年封白馬王後改封楚

曹嘉

彪之子正元元年爲常山真定王右崇屯兵下邳嘉以詩遺之曰文武應時用燕才在明哲嗟嗟我石生爲國之俊傑

何晏

字平叔以才秀知名作道德論及諸著述凡數十篇

王粲

字仲宣善屬文舉筆便成無所定改時人以為宿構然正復精思亦不能加也與論曰粲長於辭賦如粲之初征登樓觀賦雖張蔡不過也

徐幹

字偉長與論曰幹之玄猿漏卮團扇橘賦雖張蔡不過也

陳琳

字孔璋避難魚州袁紹使與文章與論曰琳瑯之章表書記今之雋也

阮瑀

字元瑜少受學於蔡邕邕太祖時爲司空軍謀祭酒管
記室典論曰如前

劉楨

字公幹著詩賦數十篇典論曰幹時有逸氣

應瑒

字德璉與弟瑒瑒子貞俱以文章顯典論曰於學無
所遺於辭無所假

應璩

字休璉善爲書記曹爽秉政多違法度璩爲詩以諷
繁欽

字休伯善爲詩賦終丞相主簿

繆襲

字熙伯多所叙述官至尚書光祿勳

吳質

以文學爲文帝所善官至振威將軍思文帝詩曰

何意中見弃弃我歸黃瀟氣氣靡所恃淚下如連珠

杜摯

字德魯舉孝廉除郎中爲詩以遺母丘儉曰

騏驥馬不試婆婆槽樞間壯士志未伸坎軻多辛酸

母丘儉

字仲恭爲荊州刺史答杜摯詩曰

鳳鳴翔京邑哀鳴有所思才爲聖世出德音何不怡

程曉

字季通爲汝南太守吳淑載曉詩曰

閉門避暑者卧出入不相過傳誠諸高明熱行宜見誦

晉

何邵

字敬祖少與武帝同年有總角之好帝即位甚見親
石崇

字季倫出鎮下邳崇有別館在河陽之金谷送者傾
都帳飲於此

歐陽建

字堅石才藻美瞻擅名北州

杜預

字元凱朝野號曰武庫言其無所不有也

張華

字茂先辭藻朗瞻著鷓鴣賦以見志阮籍見之曰王
佐才也博物洽聞世無與比

荀勗

字公曾能屬文博學達於從政

王濟

字武子風姿英爽氣蓋一時

盧湛

字子諒善屬文才高行激爲一時所推

傅玄

字逸休博學善屬文撰論名曰傅子

傅咸

字長虞庾純歎曰長虞之文近乎詩人之作

阮籍

字嗣宗登武牢山望京邑而歎賦豪傑詩作詠懷八
十篇爲世所重又有歌曰

日没不周西月出丹淵中陽精蔽不見陰光代爲雄

阮修

字宣子好易老善清言所著述甚寡嘗作大鵬贊王
敦爲鴻臚辟之作掾

嵇康

字叔夜博覽無不該通又能屬文高情遠趣一日縲
紲乃作幽憤詩

嵇紹

宗廷祖始入洛或謂王戎曰昨於稠人中始見嵇紹

昂昂然野鶴之在雞羣

嵇含

字君道好學能屬文自號毫丘子門曰歸厚之門室
曰謹終之室授筆爲文文不加點

陸機

字士衡少有異才文章冠世張華曰人之爲文常恨
才少而子更恨其多

陸雲

字士龍六歲能屬文少與兄機齊名陸閔鴻曰此兒
若非龍駒當是鳳雛

夏侯湛

字孝若有盛才文章宏富善構新詞爲郎中累年不

調作抵疑以自廣其辭曰
咳唾成珠璣扶袂出風雲

又作家風載其祖宗之德

潘岳

字安仁才名冠世爲長安令作西征賦文清旨諸仕
宦不達又作閑居賦

潘尼

字正叔有清才與岳俱以文章見知文辭溫雅性靜
退不競惟以勤學者述爲事

張載

字孟陽博學有文經劔閣以蜀人恃險好亂因著銘
以作誡武帝鑄之劔閣山下

張協

字景陽以屬詠自娛為河南內史少有雋才與載齊名擬文士作七命

孫楚

字子荆才藻卓絕爽邁不羣除婦服詩成示王濟曰未知文生於情情生於文

孫綽

字興公善屬文與許詢有高尚之志居會稽游放山水十餘年乃作遂初賦

許詢

字玄度善恬淡之辭歷覽山水至諸暨縣栖焉故時號許公岩云

劉琨

字越石石崇在金谷引賓客以賦詩琨預其間文詠頗爲當時所許又爲五言詩贈盧諶諶曰前篇帝王之大志非人臣所言矣

楊方

字公回諸葛恢見而竒之待以門人之禮由是始得周旋貴人間王徒辟爲掾

王鑿

字茂高少以文筆著稱初爲元帝琅琊國侍郎後補東興令有文集傳於

郭璞

字景純好經術博學有高才詞賦爲中興之冠自以

才高位卑乃著客傲

謝琨

宗叔源善屬文與族子靈運游詩曰
昔爲烏衣游戚戚皆親姓

又爲韻語以獎勸靈運詩曰

康樂誕通度實有名家韻苦加繩染功剖瑩乃瓊瑾

王羲之

字逸少會稽有佳山水孫綽李充許詢支遁等皆與
羲之遊宴集於蘭亭羲之自爲之序或以潘岳金谷
序方其文後徧游東中諸郡

王獻之

字子敬少有盛名風流爲一時之冠

司馬彪

陳學士吟窓雜錄卷之十九

陳學士吟窓雜錄卷二十

歷代吟譜

晉

劉毅

字希樂劉裕征盧循歸帝大宴有詔賦詩毅曰六國多雄士正始出風流

自知武功不競故示文雅有餘

曹摅

字顏遠篤志好學終襄城太守

應貞

字吉甫以才學稱嘗在夏侯玄坐作五言詩玄嘉之武帝時宴射賦詩最美

左思

字太冲作三都賦張華見而嘆曰班張之流也家貴
傳寫洛陽爲之紙貴

棗據

字道彦善文辭爲山陽令

張翰

字季鷹有清才善屬文作首丘賦因秋風起乃思吳
中菰菜葦蕩鱸魚膾作思吳江歌曰

秋風起兮佳景時吳江水兮鱸魚肥
三千里兮家未歸恨難得兮仰天悲

庾闡

字仲初九歲能屬文所著詩賦銘頌十卷簡文帝嘗

對郗超詠闡詩曰

志士痛朝危忠臣哀主辱

曹毗

字輔佐善屬詞賦有蘭香歌詩十篇以名位不至著對儒以自釋

李充

字洪度王導辟爲掾有詩賦表頌等行於世

索宏

字彥伯有逸才文章絕美曾爲詠史詩

顧愷之

字長康拜桓溫墓賦詩曰

山崩溟海竭魚鳥將何依重嵇康詩云

以公孫金
手揮五絃易目送歸鴻難

戴逵

字安道善屬文能鼓琴工書畫

戴顓

字仲若逵之子以父不仕復修其業

陶潛

字元亮嘗著五柳先生傳以自况為彭澤令賦歸去
來詞性不解音而畜琴一張曰但得琴中趣何勞絃
上聲有文集行於世其詩甚多

殷仲文

少有才藻謝靈運嘗云若殷仲文讀書過半素豹則
文才不減班固言其文多而見書少也

符朗

字元達臨刑作詩曰

四大起何因聚散無窮已

王讚

字正長博學有才辟司空掾

郭泰機

晉處士也寒女之製孤怨宜錄

王康琚

呂向曰今古詩英題云晉處士而不述其爵里才行

宋

孝武帝

少機穎神明爽發讀書七行俱下才藻甚美

孝明帝

好文史每行幸燕集輒陳詩展義且以命朝臣

劉鑠

字休玄少好學有文才未弱冠擬古三十餘首時人
以爲亞於陸機

劉宏

字休度篤好文籍文帝寵愛殊常

劉昶

字休道奔魏在道爲詩曰

白雲滿障來黃塵半天起關山四面絕故鄉幾千里

鮑昭

字明遠文辭瞻逸嘗爲古樂府文甚道麗爲河清頌

其文甚工文帝以爲中書舍人上好文章自謂人莫及昭悟其旨爲文多鄙言累句

杜子美有詩曰

俊逸鮑參軍

韓退之有詩曰

中間數鮑謝比近最清峭

傅亮

字季友尤善文辭作感物賦以見意又賦詩三首其一篇有悔懼之意云

謝朓

字宣明文義博瞻時人以方揚德祖後被送於建鄴在路作悲人道以自哀

謝世基

絢之子也有才氣臨死爲詩曰

偉哉橫海鱗壯矣垂天異一旦失風水翻爲螻蟻食

謝瞻

字宣遠嘗爲喜霽詩靈運寫之混詠之王弘在坐以爲三絕瞻文章之美與混靈運相抗

謝惠連

方明之子也十歲能屬文族兄靈運嘉嘗之云每有篇章對惠連輒得佳句嘗於永嘉西堂思詩竟日不就忽夢見惠連即得池塘生春草大以爲工常云此語有神助非吾語也靈運見其新文曰芙蓉重生不能易也

謝靈運

文章之美與顏延之爲江左第一每有一篇傳至都下貴賤莫不競寫宿昔間士庶皆遍名動都下作山居賦後臨終作詩曰

壘勝無餘生李業有終盡嵇公理既通霍山命亦殞
荀雍

字道雍官至散騎郎

羊璿

字曜播爲臨川內史

何長瑜

才亞惠連雍璿不及也有韻語云

陸展染白髮欲以媚側室青青不鮮久星星行復出

謝莊

字希逸王元謨嘗問莊曰何者為雙聲何者為疊韻
答曰玄護為雙聲敬隔為疊韻作舞馬歌今樂府歌

王僧達

弘之孫少好學善屬文為太子舍人

蘇寶生

本寒賤有文義之美官至江寧令

王微

字景玄少好學善屬文常住屋一間尋書玩古足不
履地終日端坐牀席皆生塵

王曇首

武帝大會戲馬臺賦詩文獨先成

王韶之

宋休泰博學有文詠雪離合詞云

霰先集兮雪乃零散輝素兮被簷庭曲室寒兮朔風厲州陸涸兮籟鳴

王淮之

字元魯曾祖彪之祖臨之父納之並爲御史中丞百官所憚並諳江左舊事絨之青箱世謂王氏青箱學淮之瞻於文辭凡四世居此職

王素

字休業少有志行家貧隱居不仕屢徵不就

袁淑

字陽源少有風氣從母兄劉湛欲其附已而淑不爲

改由是大相乖失淑乃賦詩曰

種蘭忌當門懷璧莫向楚楚少別主人門非種蘭所

索粲

字景倩詩酒自娛每杖策逍遙當其得意悠然忘返

范泰

字伯倫博覽篇籍好爲文章愛獎後生孜孜無倦

范曄

字蔚宗善爲文章與諸姪書曰情志所托當以意爲
主以文傳意坐罪在獄爲詩曰

禍福本無兆性命歸有極必至定前期誰能延一息

顏延之

字延年行至洛陽詠黍離篇

詠嵇康云

鸞翮有時鍛龍性誰能馴

詠阮籍云

物故不可論途窮能無慟

詠阮咸云

屢薦不入官一麾乃出守

詠劉伶云

韜精日沉飲誰知非荒宴

顏延之嘗聞鮑昭已與靈運優劣昭曰謝

五言如發芙蓉自然可愛君詩若鋪錦列

綉亦彫績滿眼議者以延之靈運自潘岳

陸機之後文士莫及江右稱潘謝江左稱

顏謝焉

顏測

延之之子亦以文章見知官至諸暨令

沈懷文

字思明善爲文章時爲連句詩懷文所作尤美

荀昶

字茂祖元嘉初以文義至中書郎

戴法興

能爲文頗行於世

區惠恭

本胡人作雙枕詩以謝惠連惠連深嘉之

顧邁

輕浮有才能爲參軍坐事徙廣州

張永

字景雲能爲文章雜藝又有巧思爲征北將軍

陳學士吟窓雜錄卷二十

陳學士吟窓雜錄卷二十一

歷代吟譜

齊

高帝

少有大量博學善屬文所著文詔江淹撰次之

蕭穎胄

字雲長武帝登烽火樓詔羣臣賦詩穎胄詩合音

王儉

字仲寶幼篤學手不釋卷常謂人曰江左風流宰相
唯有謝安蓋自况也手筆典裁為當時所重少便有
宰相志賦詩云

稷契匡虞夏伊呂翼商周

長於五言詩沈約常云二百年來無此詩也

孔珪

字德璋風韻清疎好文詠與張融情趣相得永元元年遷太子詹事

劉繪

字士章竟陵西邸繪為後進領袖時張融以言辭辨捷周顒彌為清綺而繪奇采不瞻麗雅有風則時人為之語曰三人共宅夾清漳張南周北劉中央

容處二人間也

張欣泰

字義亨飲酒賦詩累雍州刺史

丘靈鞠

善屬文孝武殷貴妃亡獻挽歌三首云

雲橫廣階暗霜深高殿寒帝嗟賞

在沈深坐見王儉詩深曰王今文章大
進靈翰曰何如未進時

檀超

字悅祖少好文學嗜酒好談自比晉郗超言高平有
二超猶覺我為優也

吳邁遠

好為雜章每作詩得稱意語輒擲地呼曰曹子建何
足數哉擅超笑之

卞彬

字士蔚擯廢乃擬趙壹窮鳥賦作枯魚賦以喻志又

著蚤風等賦自稱卜田居

素嘏

自重其文謂人云我詩應須大材迨之不爾飛去建武末爲諸暨令

高爽

孫抱爲延陵令爽請之了元故人之懷爽出從縣閣下過取筆書鼓云徒有八尺圍腹無一寸腸面皮如許厚受打未詎央坐事被繫作鑊魚賦以自况

丘巨源

作秋胡詩有譏刺語以事見殺

卜鐔

好詩賦多譏刺世人坐徙巴州

顧歡

字景怡父使田中驅雀雀食稻過半作黃雀賦而歸
然晚節讀書將終賦詩曰
五塗無常宅三清有常會

陸厥

字韓卿與沈約書曰范詹事自序性別宮商識清濁
持能適輕重濟艱難古今文人多不全了此處縱有
會此者不必從根本申來

王斌

不知何許人著四聲論行於時

虞炎

以文學與沈約俱爲文惠太子所遇

梁

武帝

少而篤學能事畢究燃燭側光常至戊夜雖萬幾多務而卷不釋乎

簡文帝

六歲能屬文雅好賦詩其自序云七歲有詩僻長而不倦然又傷於輕靡時號宮體

孝元帝

天才英發言爲論軍書羽檄文章詔誥點毫便就常曰我韜於文士愧於武天

蕭統

字德施每游宴祖道賦詩至十數韻集五言詩之善

昭明太子獨執筠袖拊劉孝綽背曰所謂左把浮丘袖右拍洪崖肩

王籍

字文海為詩慕謝靈運其合也殆無愧色天監中為參軍至若耶溪賦詩云

蟬噪林逾靜鳥鳴山更幽

謝微

字元度善屬文武帝餞王元略於武德殿賦詩三十韻限三刻成微二刻就文甚美

王荆

字公齊美風儀從登北顧樓賦詩辭義清興武帝深嘉之

柳淡

字文通工製文少與兄悅齊名王儉曰柳氏二龍可謂一日千里為常侍

柳暉

字文暢少工篇什為詩曰

亭臯木葉下隴首秋雲飛嘗和武帝登景陽樓篇云
太液滄波起長楊高樹秋

江簡

少有文名年十七作采荷調

徐勉

字修仁善屬文勤著述前後集五十卷

徐侗

字敬業幼聰俊能文位太子舍人

陸倕

字佐公少勤學善屬文任昉爲中丞後進車軌日至
號爲蘭臺聚倕有詩贊昉曰
壯哉荀文若賢哉陳太丘

到沆

字茂濯武帝宴華元殿命羣臣賦詩詔沆爲三百字
三刻成

到溉

字茂濯與兄沼弟洽俱知名

到洽

字茂浹御華華光殿賦二十韻以洽辭爲工

到鏡

字圓照漑之子也位太子舍人作七悟文甚美

到蓋

鏡之子後漑每和御詩上手詔戲之曰得無貽厥之力乎

徐摛

字士秀文體既別春宮盡學之宮體之號自斯而起

鮑泉

字潤岳有文筆上曰我文之外無出卿者

王僧孺

字僧孺武帝制春景明志詩五百字敕沈給以下辭人同作帝以僧孺為工

虞羲

字士光盛於才藻

蕭文琰

竟陵王子良集學士刻燭爲詩四韻者則刻一寸以此爲率文琰曰類燒一寸燭而成四韻詩乃與丘令楷江洪等共打銅鉢立韻響滅則詩成

吳興人

江洪

王屬文爲建陽令

張率

字士簡十二能屬文年十六作二千餘道有虔訥者見而詆之率乃一旦焚毀更爲詩示焉託云沈約訥

便句句稱嗟無字不善率曰此吾作也訥慙

劉孺

字季幼嘗為游宴賦大為沈約所稱嘗在御坐為李賦受詔便成

劉遵

字孝陵少清雅有學行工屬文

劉苞

字孝嘗少好學能屬文多預宴坐受詔詠天泉池荷及採菱調下筆便成

劉孝綽

字孝綽辭藻為後進所宗時重其文每作一篇朝成暮編好事者咸誦嘗為詩曰

塞外羣鳥返雲中
侶鴈歸

高祖見大怒即奪侍郎

又爲詩二首

其一曰

鳴騷響夾轂
飛蓋倚林廬

其二曰

城闕山林遠
一去不相聞

高祖嗟賞復侍郎

沈約曰卿以詩失黃門
還以詩得黃門
孝綽曰此即旣爲風所開
後爲風所落也
後罷官不出爲詩題其門曰

閉門罷慶弔
高卧謝公卿

其妹續其後曰

落花掃仍合藜蘭摘復生

劉潛

字孝儀孝綽嘗云三筆六詩三即孝儀六即孝威也

劉孝威

大同中白雀集東宮上頌甚美

蕭子顯

字景陽工屬文自曰少來所爲詩賦則鴻序賦一篇體兼衆製文備多方頗爲好事所傳故虛名易遠

蕭愷

譽望時論以方其父湘東王令曰王筠本自舊手後進有蕭愷可稱信爲才子

羊俛

字祖忻善音律自造采蓮棹歌曲甚有新致

劉峻

字孝標奔江南典校秘閣門人謚曰玄靖先生

劉顯

嘗爲上朝詩沈約見而美之命工書人題之於郊居

宅壁

劉之遴

字思貞八歲能屬文與江總相推重嘗酬摠詩曰上位居崇禮寺署隣栖息

褚翔

字世舉與王訓爲一十韻詩限三刻成翔於坐立奏

帝異焉即補文學

蕭介

字茂鏡武帝置酒賦詩介染翰便成文不加點

丘遲

字希範八歲能屬文待詔文德殿帝著連珠詔羣臣繼作者數十人遲文最美坐免乃獻責躬詩

庾肩吾

字慎之八歲能賦詩為宋子仙所得欲殺之曰吾聞汝能作詩今可即作若能將貧汝命肩吾操筆立成辭采甚美子仙乃釋仍奔江陵

劉綬

性虛遠有氣調風流迭宕名高一府其平生之所作

者爲英華集二十卷文選三十卷

蕭綜

字世謙有才學善屬文奔魏不得志嘗作聽鍾鳴悲落葉以申其志當時莫不悲之

蕭綸

字世調善屬文尤工尺牘賦詩十二韻末云方同廣川國寂寞久無聲大爲武帝所賞曰汝才如是何慮無聲乎

蕭紀

字世詢少而寬和喜怒不形於色勤學有文才

徐君蒨

字懷簡文冠一府特有輕艷之才新聲巧變

沈約

字休文晝夜不釋卷善屬文爲邪居賦謝玄暉善於詩任彥昇工於筆約兼而有之撰四聲譜以爲在昔詞人累千載而不悟也

范雲

字彥龍善屬文下筆輒成時人每疑其宿構

范縝

字子真年二十九髮白皓然乃作傷暮詩白髮詠以自嗟

江淹

字文通爲建平王參軍知禍機將發乃贈詩十五首以諷焉爲宣城太守嘗夢人自稱郭璞曰吾有筆在

卿處多年可以見還淹乃以五色筆授之自此才盡

任昉

字彥升時人云任筆沈詩昉聞甚以爲病晚節轉好著詩用事過多士子慕之轉爲穿鑿

謝朓

字敬仲武帝問王儉曰當今誰能爲五言對曰謝朓父之膏腴仕至尚書令

謝覽

字景滌嘗與王暕爲詩答贈其文最工

謝舉

字言揚嘗贈沈約詩爲約所賞

王暕

字思晦父儉爲相賓客見陳曰公才公望復在此矣

王規

字威明武帝餞元景隆詔羣臣賦詩同用五十韻規
援筆立奏其文甚美

王訓

字懷範嘗有詩云

且與匡世功蕭曹仇氓俗

蓋追祖儉之亡也

王泰

字仲通刻燭賦詩文不加點

王筠

字元禮年十六爲芍藥賦其辭甚美又爲草木十詠

鍾嶸

字仲偉時何胤築室若耶山山發洪水漂拔樹在此室獨存元簡令嶸作瑞室頌以旌表之辭其典麗

何遜

字仲言八歲能賦詩沈曰嘗謂遜曰吾每談卿詩一日三復猶不能已矣唐李商隱有詩曰寄言何遜休聯句瘦盡東陽姓沈人

與劉孝綽並見重時人謂劉何

何思澄

字元靜勤學工文為游廬山詩沈約見之大相稱賞自以為弗逮傳昭嘗請製釋殿詩辭文典麗

何子朗

字世明早有才思嘗為敗家賦文甚工世人為之語
曰人中爽爽有子朗詩曰
逆旅相逢處江村日暮時

孔翁歸

會稽人工為詩為大司馬府記室

吳均

自叔庠文體清拔有古氣好車者或數之謂為吳均
體武帝召入賦詩悅之詔著作吳均為劔騎詩曰
何時見天子畫地取關西

高祖曰天子今見關西安在

曹和

沈復人善為樂府又作鼓吹曲武帝重之

伏挺

字士標幼敏悟博學有才思爲五言詩効謝康樂體

紀少瑜

字幼瑒幼孤有志節年十三能屬文嘗夢陸僅以一
束青鏤管筆授之云我此筆猶可用卿自擇其善者
其文用此道進退記室參軍

陶洪景

字通明武帝有大事無不諮詢詩人謂爲山中宰相
武帝問山中何所有洪答詩曰
山中何所有嶺上多白雲

吳孜

字簡文自講老莊二書孜每日入聽

何胤

字子季，遷吳。作別山詩一首，言甚悽愴。

庾丹

少有雋材，爲蕭朗記室。詩見王臺。

鮑至

位西曹書佐，從駕虎窟寺。曰：

神心曠物序，訪道絕塵囂。

王臺卿

爲刑獄參軍，和遊虎窟寺曰：

我王宗勝道，駕宮從所之。

孔燾

爲刑獄參軍，和王令虎窟寺曰：

聖情想區外暗駕出西南

王偉

軍敗尚望見全於獄中為詩贈元帝下要人曰
趙壹能為賦鄒陽辭獻書

陳學士吟窓雜錄卷二十一